

Visoki predstavnik se sastao s hrvatskom predsjednicom Grabar-Kitarović



Visoki predstavnik Valentin Inzko sastao se danas u Sarajevu sa hrvatskom predsjednicom Kolindom Grabar-Kitarović. Razgovarali su o trenutnoj političkoj situaciji u BiH, a posebno o obavezi bosanskohercegovačkih vlasti da u potpunosti poštivaju Mirovni sporazum i o novoj fazi u nastojanjima Bosne i Hercegovine da se pridruži Europskoj uniji putem nedavno potpisanog programa reformi.

Visoki predstavnik je zahvalio predsjednici Grabar-Kitarović na ulozi koju je Republika Hrvatska imala tokom proteklih godina, kao jedna od potpisnica Daytonskog mirovnog sporazuma i članica Europske unije, u pružanju potpore Bosni i Hercegovini.

“Kao što sam rekao mnogo puta, Hrvatska je pozitivan primjer za Bosnu i Hercegovinu kako se može ostvariti odlučan napredak na evroatlantskom planu kada postoji politička volja za provedbu reformi u interesu svih građana”, rekao je visoki predstavnik.

Predsjednica Grabar-Kitarović u razgovoru je naglasila kako je važan opstanak i ostanak hrvatskog naroda u BiH i kako se načela Dejtonskog sporazuma moraju poštovati, jamčeći jednakopravan položaj hrvatskog naroda.

Visoki predstavnik Inzko jasno je stavio do znanja da je

referendum RS ozbiljna i direktna prijetnja Mirovnom sporazumu koja uvodi rizik da ova zemlja krene unazad, te da se on mora ostaviti po strani kako bi se lideri ove zemlje mogli usredotočiti na stvarne reforme u korist građana.